

續
川
三
日
泉
系
出
三
卷
一
已

中科院植物所图书馆



S0048831




續脩洵陽縣志

01289

6514215

01289





序文

郡邑之有志蓋本采風問俗之義
為徵文考獻之資守土者非由此三
致意無以釐訂典章激揚風化則
治譜一編於是乎在所係不重與
洵陽縣志成於乾隆四十五年自前
令鄧君夢琴與董孝廉詔協修以
後已百有餘歲矣中間又經兵燹凡

光緒癸卯年

孟夏上澣刻

是蓋遵鄧君之良法而又能補鄧君之所未備者歟將所謂釐訂典章激揚風化還當於是編驗之倘後之官斯土者復能踵而行之更有以推擴於至周而維持於不敝是則余之所厚望也夫


光緒二十八年歲在壬寅孟夏之月
賜進士出身前翰林院編修 國史館

夫山川人物之繁忠孝節廉之美其
湮沒而弗彰者以可勝計劉令德全
適宰是邑懼其久而失傳也爰檢鄧
志舊本而續修焉訪諸故老之遺聞
證諸通儒之塲攷由是闕者補之散
者聚之至泯滅無聞者又有以表
揚之書成寄以示余披閱一過其序
次既秩然不紊其文詞又斐然有章

洵陽縣志序

洵陽在商周皆湯庸國後屬於楚蘇秦稱
楚有陘塞郢陽是也其見於漢代者則酈
商別將攻洵關洵之名始著於史水經注
云洵水東南逕洵陽縣與柱水合柱水卽
今之乾祐河至兩河關與洵水合流漢舊

纂修功臣館總纂
特授陝西分巡陝安兵備道錢塘戴兆春
謹序



杭合併皆有形勢可據宋南渡時商君襄
房皆沒於金宋人於縣境之陂嶺實設重
鎮以某地扼雍梁荆或州以要當秦楚蜀
或省之衝形勝所在自古用兵者所必
爭焉明季政治不紀凶數藏疾伏莽時興
國朝統壹寰區武功奠定文德誕敷縣境

縣當在西北然代遠年湮遺址不可考矣
魏晉以來縣境版圖恢廓商州之鎮安縣
俱屬洵陽縣地西魏後周設濟陽長岡郡
縣並增置洵州及黃土縣唐武德初改洵
陽縣屬洵州又置洵州城驢川二縣而黃土
縣仍舊蓋縣境疊巘重關延袤數百里分

商各倅令勸修志乘未果光緒丙申季
調守鹵安適劉君德全以進士需炊省垣
劉君爲余傘家子與余共事讞局余見其
勤廉明恕奇之光緒己亥傘劉君補洵陽
令而余亦於傘升任浙江溫霞道由秦
人浙間關數千里與劉君不枳見者五傘

本沐治詩書禮樂之化文物殷明於秦中
稱盛惟自乾隆癸卯以後縣志不修百有
餘年光緒壬午余奉

命守興安於學校賑濟倉儲保甲團練諸事
宜百廢具興心力交疲欲修郡志而各廳
縣之志未經編纂郡志棄所取贅余屢函

左紐有條不紊曰分野曰沿革則表附焉
曰疆域則山川渠堰附焉曰建置則城郭
公署義所堡寨關梁橋渡存焉曰學校則
營制風俗附焉曰壇廟則寺觀附焉曰賦
役則蠲賑戶口課稅倉儲物產附焉曰秩
官則宦績附焉曰選舉則仕宦附焉曰公

于茲矣光緒壬寅牟劉君修洵陽縣志庠
鄴寄浙江求序於余余披覽其書而知劉
君之可與論治其夫政者事其志者言其
天下有言之斐然而不能行政者矣未有
言之尚爽條貫而其事能秩然有序者其
今劉君是志凡目數十括以十或門若經

披覽輿畧則靈崖羊山之聯峙漢江洵河
之波濤悠然想見古心清風可以振興末
俗爰求古蹟則李裒燦沈天祥之遺藪在
此巖如煙以部勒鄉兵寇氛遐避皆長吏
肯事以師老古卽以徵令而平日討論不
可以不豫其是則雖臨縣志卽謂臨洵陽

物則忠義孝友仕績學行捍禦任卹養
方外流寓焉曰列女則節孝婦孝婦烈婦
烈女女壽焉曰藝文曰雜記則統兵警祥
異焉區分類別朗若列眉乃知邑志竭才
方政要非徒以典贍該博飾長吏儒雅之
名其夫志所以考鏡往事亦以感誅後人

重修洵陽縣志序

嘗謂作者爲聖述者爲明聖則無不通而
明則察始澈終固能舉其事之層累襃績
而引而伸之復抉擇而詳覈之斟酌體要
鏡心而出非徒恃口耳涉獵者斯所述爲
非偶矣洵陽劉心齋大令精吏治蒞洵三

縣令之治書可廿余故因劉君之知所務
而推明大旨以賜後人法焉

特授浙江溫處道黃任陝西興安府知府楚南

童兆蓉撰

序余謂邑之有志猶國之有史志者記也
謂修其事纂其言敘述其實而編輯之也
然而釐訂弗詳則如一統志之蠟居訛爲
喬姬舊唐書之蓋臧訛爲姑臧而蹠較滋
馬採訪弗周則如宋樂史撰太平寰宇志
譏李吉甫之缺漏元馮復京撰昌國州圖

載於民事無不舉民德之平時尤以邑乘
之修已逾一百三十餘載其間事與時更
即應義從例起非及時蒐討得毋有菁華
隱沒而芳流歇絕者乎大令慮之案牘之
暇日集是邦之學士文人逸獻故老勤咨
博訪覩縷成帙日前馳驛足賁斯編屬余

亦未確得主名蓋叢爾下邑而幅員交錯
若欲扣槃捫籥強合於微妙之間則歧誤
叢生焉棄取弗嚴則如夷齊之以首山爲
首陽而祀入河東李白之易東山爲山東
而籍入齊魯唐李晟兆產也因賜第萬年
而收入咸寧明鄒應龍之誤入長安李時

志佚其環山等三圖而疏漏譏焉援引弗
覈則如自東井十六度至柳八度爲鶉首
爲秦分野十月日在箕尾五星不當聚井
高允譏漢史之失即考洵陽舊志舊隸漢
中復又割洵爲白彊圻因時遷變其引文
獻通考地屬井鬼去極皆六十九度有奇

以見政成之有自使非深明於史例得失
之林能以筆之一時者遂信今而傳後乎
昔有明陝志之美一爲康海之武功志一
爲韓邦靖之朝邑志評者爲朝邑志敘次
點竄源出史記而武功志書止七篇義例
分明尤爲綱目具括今觀斯志敘次有章

齋於編關隴兩朝文集中正之假借濫登
則蕪雜奚取焉是知志之爲志將備一方
掌故非苟焉已也故大而天文地輿名臣
碩彥以及忠孝節烈之彪炳無不詳述於
志用資觀感即細而一草一木一飛一躍
一觸物而歌詠一感澤而謳吟亦備述焉

重修洵陽縣志序

夫漢書創地志郡縣沿革圖經邑乘攷獻文長吏奉
為治譜國有史而邑有志前有作而後有述禮也是
以宋人州郡之圖逢閏年一上歷代纂修之例六十
歲為期事恐久遠而寢湮詞須詳核而得體然或悟
鮮抉擇體多紛歧騁藻采則雜糅不精務高簡則草

義例無紊何多讓於武功朝邑二志哉大
令諳於吏事爲一時最而斯編之審詳不
苟固徵述者之明然於大令特其斑豹焉
爾

賜進士出身前戶部浙江司郎中知興安府事

金城金文同撰

列子目而學額不登於篇藝文霖專門而詩文概屬散
見意雖有取體究未精且山川堰渠名流古蹟間有脫
漏百密一疏要其雅馴殊霖遺議成書及今垂百餘
年中間兵燹頻仍滄桑屢易天地人物之變盛衰興
廢之機藐茲彈丸頗罔治道不佞三年承乏四境觀
風載攷成編更慨闕典思續貂尾殊愧蟲雕爰有二三

率多舛魏伯起之手筆時形穢蕪俞會稽之新編未
免挂漏彬々完善戛々其難若乃規模已立於前賢
觚翰早當夫宏愔蕭規曹守原森事更張遷史班仍
但畧增未備蓋創始者難為力因舊者易為功也洵
陽舊志成於乾隆癸卯前令鄧君夢琴董孝廉詔協修
之合十四卷分十四門攷據詳確徵引繁富惟學校

之施措水懦火烈惟學道乃霖偏邵泰召棠有遺愛
乃不朽惟官方之既飭故英杰之挺生雨露栽培遂
多歲時俊彥雲霞蒸蔚漸著華國文章通籍登科揚
鑣分道人傑物望砥行勵名或喬梓壠篲代著忠孝
之德或梧桐琴瑟心堅金石之盟凡夫臨難捐軀輕
財好義里中人瑞方外懿行莫不廩立懦頑榮施下

耆紳公餘商訂搜羅放失編次甲丁直道持衡尅期
歲事正疆域而知竹白鄖鎮等縣界畫所由今詳建
置而知嘉道咸同以來廢墜所由舉紀食貨而知洵
民膏脂悉

聖朝恩波錄學校而知州邑人才亦

國家元氣戶安絃誦盜靖荏苒凡風教之轉移胥官師

幸值

聖天子覃敷文教

各大憲整飭紀綱闕隴肅清洵漢安

謐憐斯土貪瘠有如唐魏民風惻前徽銷沈竊慕

左國史筆繼弗克以班范之法遷董之良踵武前人

表章盛德庶幾百年之金鑑一邑之實錄也爰述大畧

以俟將來云爾

邑他如沿班書劉畧而志藝文但立言有物亦姑降
為選體仿世說語林而志雜記斯兵警居多不妨附
以機祿凡茲分門十三子目三十有五舊部新書大
同小異晉龍門承麟經之筆蔚宗接孟堅之書漢記
重修於彪喬唐書紹撰於歐宋類皆學識精微後先
輝映今山城下吏撫字既疎輜軒上陳史才復乏惟

序

壬寅秋余由商調洵越三月邑
志成紳首姜君善繼以序請夫
創修有人繼修有人余適會觀
厥成公餘披覽得悉斯邑之沿
革險要以及民情習尚風土物

光緒二十八年仲夏月知沔陽縣事劉德全謹敘

承其後且行已百日矣而井田

未能復學校未能興訟獄未能

息鰥寡孤獨未能養津梁道路

未能修清夜捫心上實無以副

列憲委任下實無以對斯邦庶

民又安在其能成創者繼者之

產而握要以圖逐漸就理不得
謂非幸也又何序然創者繼者
之言有盡而其志無窮舉凡一
切吏治民生皆有待於後之人
悉心講求孜孜焉以成其未竟
之志補其偏而救其弊余既忝

縣知縣李丙焱謹敘

志哉雖然志成矣可以徵可以
法可以興治具雖未畢張心竊
勉焉矧冀後之繼後者相與共
勉俾斯邦之民無一夫之失所
焉斯幸矣是為序

光緒二十八年孟冬月署洵陽

洵陽縣志續修職名

監修

特授陝西分巡陝安兵備道

戴兆春

特授浙江溫處道前任陝西興安府知府

童兆蓉

賜進士出身前戶部浙江司郎中知興安府事

金文同

總纂

賜進士出身升用直隸州特授洵陽縣知縣

劉德全


升用直隸州補用知縣現署洵陽縣知縣

李丙焱

監收

洵陽營守備

王忠美



海陽縣志

廩生

陳啟秀

廩生

黃金臺

廩生

李樹芬

廩生

趙虎臣

校正

廩生

石金聲

廩生

陳中謨

附生

向雲程

採訪

賜進士出身五品銜署陝安鎮標中營守備

吉人傑

洵陽縣教諭

蔣聯捷

洵陽縣典史

王承祐

監刊

洵陽營把總

駱德福

分纂

候銓直隸州州判癸酉科選拔

郭焱昌

候銓教諭乙亥恩科副貢

姜善繼

參訂

歲貢

楊仲起

歲貢

張鵬程

歲貢

華頂雲

附貢

李三奇

例貢

張金和

廩生

黃雲瑞

廩生

方正鵠

廩生

田玉潤

廩生

雷鎮嶽

廩生

陳子良

廩生

劉陞堂

廩生

鄭子麟

分發四川同知銜

譚連生

特授富平縣訓導

袁繼泰

歲貢

蔡茂蘭

歲貢

蕭長庚

歲貢

石玉山

歲貢

郭炳昌

歲貢

王萬和

歲貢

楊楨楹

歲貢

魯世吉

歲貢

陳執瑞

生員

聞生新

生員

張正楷

生員

李蔭福

生員

劉晏平

生員

華嶽崧

生員

許士達

生員

黃金鼎

生員

楊陞仕

生員

王樹勳

生員

陳嘉言

江陰縣志

三

廩生

趙新甲

廩生

李穰藻

廩生

蔡文蔚

廩生

高中峯

廩生

張殿試

生員

張金鎔

生員

李正芳

生員

汪興銘

生員

陳明升

生員

丁星燦

生員

余凌雲

生員

任繼瑞

生員

呂繩武

生員

晏海清

生員

何步漢

生員

蔡華堂

生員

但德誠

生員

詹青雲

生員

鄧國鈞

生員

陳家駒

生員

周文林

生員

王肇庠

生員

張暢愷

生員

馮永楷

生員

王致宏

生員

汪仁貴

生員

夏祥瑞

生員

武繩宗

生員

汪瀾

生員

潘國華

武生

蕭定吉

武生

趙治平

武生

趙鼎甲

武生

向文忠

武生

馬吉兆

從九

荆輔廷

監生

蕭汝賢

監生

趙英傑

監生

熊養山

監生

熊雋略

生員

徐世祿

生員

黃金潔

生員

劉燮堂

生員

龐成德

生員

呂學端

生員

朱守正

生員

梁定中

武生

劉依仁

武生

李春芳

武生

王賢佐

文章

孫銘鑑

文章

傅堂發

武童

梁傳忠

記錄

生員

張廷珍

生員

李夢彪

生員

廖鴻功

生員

華先庚

文章

李元藻

文章

向承恩

監生

黃金聲

監生

趙啟瑞

耆賓

張士仁

耆賓

雷步衢

耆賓

李克治

耆賓

楊中坤

文章

時其昌

文章

周之德

文章

林清茂

文章

周屏


縣境全圖

繪圖

生員

王治宏

東交白河縣界百八十里 東南交合河縣界百四十里



東交白河縣界百八十里

東南交合河縣界百四十里

景治圖



海内集




漢水圖



洵陽系





卷之三

仙河堰

蜀河

中洞河

中洞河堰

堰河蜀

西岔河

西岔河堰

河水冷

堰河水冷

江漢

平定河

圖渠水縣陽洵


下堤

漢堤川

金河

閼河





洵陽縣志目錄

第一卷

分野

第二卷

沿革
表附

第三卷

疆域
山川渠堰附

第四卷

建置
城池公署義所堡寨關梁橋渡

第五卷

汚漾東注自杜南趨陵城
陂陂古有今甃壘石堞戍
水縣測踈下通鄆圉立接
陂墟振其險要聚米而岳
百川灌下水到求渠不壅
其澤浸彼芋區



人物 忠義孝友仕績學行

第十一卷

人物 捍禦任卹耆賓方外流寓

第十二卷

列女 節婦孝婦烈婦烈女女壽

第十三卷

藝文

第十四卷

雜記 兵警祥異

學校
營制風俗附

第六卷

壇廟
寺觀附

第七卷

賦役
蠲賑戶口課稅倉儲物產附

第八卷

秩官
宦績附

第九卷

選舉
鄉宦附

第十卷

洵陽縣志

凡例

一邑志故有前明萬厯年間南令兆舊本

本朝乾隆四十六年鄧令夢琴重修距今百餘年文獻闕佚搜輯頗難及今不志愈久終泯守土是邦咎將誰諉不揣謏陋勉強續貂所望後之君子急加斧藻幸甚

一史家序次分類義取條貫遷史記天官班書創地理所以考列星之躔度溯建邦之沿起也故首分野次沿革分疆畫壤然後設州建邑封山濬川築城郭修

涉洵陽者是編畧從刪汰舊志賦役泛錄明史食貨志篇牘甚繁亦稍示裁制後人欲窺全書自有前代諸史足備討論無虞闕遺考陝西通志云事關制度典章通行遵奉者詳載會典非秦志所宜專書喬三石耀州志云凡事涉國典海內所共有者不書凡書必有斷制體裁宜爾也

一鄧志學識淹通詞旨淵雅或篇終著論卽景賦詩已擇其佳者附入藝文茲編不能盡錄其鄧志體例有宜沿襲者分野沿革山川城池堡寨厯久不改踵事奚增惟城池有遷移堡寨有廢興當次第考徵補其

宮室故疆域建置次之鉅政所關莫先於興教化舉
典禮故學校壇廟次之有土斯有財次以田賦立官
以治民次以職官培植膠庠則彙征有吉士轉移風
化則繼起多名流故選舉人物又次之凡名人撰著
學士謳詠有關風土民生者俱登於冊故藝文又次
之至縣境兵警災祥都彙萃一篇統名雜記蓋仿班
生作志不廢虞初之意焉共離爲十三門其附見各
門者亦取事類相近云

一鄧志引徵賅博分野沿革錄史三則成於邑人董孝
廉詔其錄史宋金元及明季兵事凡關係大局不專

洵陽縣志卷之一

分野

分野十二肇自保章雍居鶉首班志特詳漢洵交滙秦
楚連疆入參躔翼眾喙披猖井鬼之際商洛之陽列舍
分次定位辨方域聯扶利度近柳張仰觀圖象庶識機
祥

周禮保章氏以星土辨九州之地所分之域皆有分星以
觀妖祥後世分野之說實始於此故帝王建都置邑先正
星野蓋以天行之數爲封建之大勢也晉書曰九州十二
域或繫之北斗或繫之二十八宿或繫之五星而雍州於

疏漏有宜賡續者職官選舉人物時勢遞更人事代謝閭黨之評公於月旦勸懲之筆嚴於風霜至忠臣義士孝子悌弟節婦列女表章潛德闡發幽光天地神明實鑒臨之若夫揚名顯親丈夫期自樹立傳家果有世德里閭豈少公論勿矜浮藻使先人抱愧於九泉勿訐陰私致後嗣莫易其一字願同人共勉之

南郡盡楚分晉隋書二志又謂漢中及漢川以下諸郡附於益州封域於天官上應參宿眾論龐雜莫識折衷然鄧志以班氏所論井鬼之域南有巴蜀廣漢犍爲武都今諸地皆在漢興之正南未有遠者同宿而近者反異度也班志所言已自相矛盾至晉隋二書修於唐代宋容齋洪氏謂其壁井所分并雍互易實沈之次魏益參差譏其蔽於天而不知地則二書固未爲定論也竊謂分野之議眾說紛歧惟鶡首屬秦原本鄭注周禮厥誼最古嘗考

欽定

明史天文志所紀井九度至柳三度鶡首之次也陝西布政司所屬之西安府同華乾耀邠五州鳳翔府隴州延安

北斗主魁於二十八宿屬鶉首鄭氏周禮保章氏注鶉首
秦也春秋元命苞東井鬼星散爲雍州分爲秦國東距穀
函西有漢中南含高山北阻居庸得東井動深之萌其氣
險也唐書天文志東井輿鬼鶉首也東井居兩河之陰自
山河上流當地絡之西北輿鬼居兩河之陽自漢中東盡
華陽與鶉火相接當地絡之東南地理志亦曰興元金洋
鳳興成文扶利集壁等州爲鶉首洵邑在秦南境一彈丸
耳星度所指等於芒杪又孰能縷析而洞矚耶且地界楚
蜀疆域糾紛附楚隸秦分割無定舊志所援分野之言諸
儒聚訟漢書曰楚地翼軫之分野今南郡江夏及漢中汝

洵陽縣志卷之二

沿革

雍梁毗界神禹肇封師陳毋野聽誓有庸嬴秦設郡隸
我漢中甸口置戍蜀魏交攻齊梁之際拓拔爭雄或郡
或縣分割不同唐屬金州元明相蒙洛商屏蔽秦楚要
衝臚存往牒備考始終

夏梁州 書禹貢華陽黑水惟梁州孔疏梁州東據華山
之南胡氏渭禹貢錐指曰梁州有古蜀山氏蠶叢氏之國
以今輿地言之陝西漢中府興安州及西安府之商州洛
南等處皆古梁州域也

府鄜綏德葭三州漢中府金州臨洮平定二府靜寧州皆
井鬼分今敬從之

舊志引明史謂西安之商縣華州之洛南皆屬張分茲邑
雖小寶鶉首之終蹕柳張之茅蕝也模稜之說義所弗取
且諸史未有以洵邑屬張分者天遠人邇未容妄測不如
井鬼爲有據云

亦兼得其地

秦漢中郡旬關 史記秦本紀惠文王十三年庶長章擊楚於丹陽虜其將屈匄攻楚漢中取地六百里置漢中郡漢書酈商傳別將攻旬關顏師古注漢中旬水上之關也今在旬陽縣

漢漢中郡旬陽縣 前漢書地理志漢中郡十二縣首西城次旬陽顏師古注北山旬水所出南入沔

後漢益州漢中郡旬陽省入西城縣 後漢書郡國志凡前志有縣名今所不載者世祖所併省也益州漢中郡有西城縣無旬陽縣西城獻帝建安二十年改爲郡

商梁州庸國 書牧誓及庸蜀羌髳微盧彭濮人孔疏庸在漢南蔣廷銘尚書地理今釋曰杜預以庸爲今上庸縣即今湖廣鄖陽府竹山縣是謹按竹山縣接洵陽縣南境則洵陽屬上庸無疑矣

周荊州庸國 周禮職方氏曰荊州其川江漢胡氏渭禹貢錐指曰先儒皆謂梁併於雍惟林少隸云江漢發源梁州職方氏以爲荊州之川則職方之荊州亦兼梁地

東周楚國郇陽 國策蘇秦曰楚北有陁塞郇陽徐廣云當是順陽索隱云當是新陽聲相近省志徑作洵陽未知可據今從之胡氏渭曰庸巴濮麋諸國戰國時屬秦而楚

宋梁州魏興郡旬陽縣興晉縣 宋書州郡志魏興太守
魏文帝以漢中遺民在東垂者立屬荊州江左還領於梁
州餘見前

梁梁州南梁州魏興郡旬陽縣興晉縣 按梁無志據李
遷哲傳云初仕梁太清四年哲都督東梁洵興等七州軍
事但西魏始改洵州梁之爲州無可考或周史作傳時蒙
以其國後改之地名歟

齊仍宋制

西魏東梁州洵陽郡清陽郡洵州洵陽縣清陽縣 魏書
地形志東梁州領郡三縣四不注何郡縣蓋以永安末年

三國荊州魏興郡洵口 蜀志劉封傳封不從達言申儀
叛封封敗走成都魏以申儀爲魏興太守封真鄉侯屯洵
口

晉荊州梁州魏興郡 洵陽縣興晉縣 晉書地理志武帝

時荊州統郡二十二江夏順陽及魏興等郡皆屬荊州惠
帝時以新城上庸魏興三郡屬梁州宋志洵陽令前漢有
後漢無晉武帝太康四年復立考晉志魏興郡有晉興無
興晉宋齊志有興晉無晉興而宋志於興晉令下旣云太
康元年更名其即晉興無疑也又考水經育溪注云興晉
洵陽分界於是谷以是知爲洵地矣

長岡後郡省入甲郡置縣曰黃土并赤石臨江三郡入焉
蓋改郡置縣統名長岡如清陽郡有清陽縣後郡省縣存
改名黃土也甲郡在今甲河關赤石等縣當在鄆西白河
間寰宇記保定二年改清陽郡爲長岡郡三年郡廢移黃
土縣於清陽郡廨爲理西魏清陽縣亦後周廢

隋梁州西城郡洵陽縣黃土縣 隋書地理志西魏改東
梁州爲金州置總管府開皇初總管府廢改爲西城郡洵
陽郡廢爲縣清陽長岡已廢於周洵州之廢時無考

唐山南東道京畿道金商節度使昭信軍戎昭軍武定軍
山南東道金州漢陰郡安康郡金州洵州洵陽縣黃土縣

胡賊入洛官司文簿散棄茲志錄武定之世州郡剏改隨而注之不知則闕考隋書地理志注云洵陽舊屬洵陽郡開皇初郡廢洵陽郡西魏置按省志云西魏初置洵陽郡改旬爲洵應自此始又考全仲遵傳蠻帥杜青和自稱巴州刺史舉兵圍東梁州遣王雄討平之改爲洵州隸於仲遵據此洵州是巴州所改賈通志大統元年置洵陽縣寰宇記又云大統十七年於洵陽郡西三十二里置黃土縣居漢水南黃土山之西但與隋志黃土縣注不合

北周金州總管府洵陽郡長岡郡洵州洵陽縣長岡縣黃土縣隨書地理志注西魏置洵陽郡後周改郡置縣曰

不遠當在今壩河之地

五代蜀金州雄武軍洵陽縣清陽縣

後唐金州戎昭軍洵陽縣清陽縣 五代史職方考謂金

州梁唐時入蜀五代時始入中國謹按明宗時萇從簡馬

全節先後爲州防禦使則州入中國必在莊宗平蜀時也

晉漢周金州懷德軍洵陽縣清陽縣 五代史職方考晉

高祖時金州置懷德軍尋罷

宋京西路昭化軍洵陽縣 宋史王全斌傳全斌激變蜀

人太祖遣將克之貶全斌等官以崔彥進爲昭化軍觀察

留後改金州爲昭化軍乾德四年省清陽入洵陽

洵城縣驢川縣清陽縣 唐書地理志縣初與金州隸山
南東道據方鎮表寶應元年以金商二州隸京畿光啟元
年升金商爲節度兼京西制置萬勝等軍自後節度防禦
升降不一直至天祐賜名戎昭尋改武定兼領均房徙治
均州而仍隸於東後復爲山南東道地理志武德元年置
金州領洵陽石泉等縣其年割洵陽驢川二縣置洵州領
洵陽洵城驢川三縣三年金州置總管府管金井洵洋等
十二州七年州仍爲洵陽縣貞觀二年省驢川八年省洵
城黃土唐初仍舊名天寶元年更名清陽大厯六年省長
慶元年復置鄧志以驢川在漢南閭河口內洵城疑去此

撫萬曆十一年改金州爲興安州洵陽屬焉二十年復以興安州直隸陝西布政使司又地理志洵陽注東有閭關西北有三岔二巡檢司

本朝陝西布政使司興安州洵陽縣

國初因明之舊置左右布政使司康熙二年右布政移甘肅左布政駐西安興安州隸焉洵陽爲其屬邑順治四年裁閭關巡檢司其三岔巡檢司未知何年廢康熙元年興安州省隸鄖陽巡撫乾隆四十七年改爲府設安康縣

南宋利州路金州洵陽縣 宋史郭浩傳紹興十四年分利州爲東西路以浩爲金房開達四州經略安撫使兼知金州樞密院都統制屯金州自與金議和後割商畀金洵陽實爲要害

元興元路金州洵陽巡檢司 鄧志引舊州志謂元時屢經兵燹居民寥落改縣爲巡檢司

明陝西布政使司漢中府金州直隸興安州洵陽縣閭關三岔二巡檢司 明史地理志洪武二年置陝西等處行中書省九年改行中書省爲承宣布政使司成化十二年割旬陽之白河堡爲白河縣十三年以金州兼屬鄖陽巡

夏商

周

東周

梁州
軍道省

荊州

庸國
君國府州

庸國

楚國

縣

郇陽

國祚因明之事

西北有西市類對同

西北育三岳二巡對同

興安州直隸州西市類對同又此縣志所載東市

縣萬里十一平郊金代餘興安代所屬縣二十平郊

三國

荆

委興君

涪

晉

荆州

魏興郡

旬陽縣

梁州

惠帝年間改屬

興晉縣

宋

梁州

魏興郡

旬陽縣

興晉縣

秦

漢

後漢

漢中郡

漢中郡

王莽曰新城縣
益州

漢中郡

旬關

旬陽縣

縣廢入西城

益州

土

金州縣管斥

洧陽郡

洧陽縣

隋

梁州

西城郡

洧陽縣

唐

山南東道

武德年間置

金州漢陰郡

安康郡

天寶元年改

洧陽縣

武德元年改縣
置七年仍為

黃土縣

武德元年置

洧陽縣

貞觀二年省

驢川縣

武德元年置

洧陽縣

天寶元年
黃土縣改

司馬系示

沿革

齊

梁州

魏興郡

旬陽縣

梁

梁州
南梁州

魏興郡

旬陽縣

魏

東梁州

洵陽郡
涇陽郡

洵陽縣
涇陽縣
涇陽州

興晉縣

興晉縣

後周

後晉漢周

宋

旬陽縣志

五原軍

懷德軍

京西路昭化軍

卷二沿革

金州

金州

金州安康郡

洵陽縣

清陽縣

洵陽縣

清陽縣

洵陽縣

清陽縣

乾德四年省入洵陽

十

京畿道

寶應元年改隸

金商節度使

光啟元年升防禦使
為節度使尋罷為

昭信軍防禦使

光化元年升節度
使

戎昭軍

天祐二年改尋更
為

武定軍

天祐三年復隸

山南東道

金州

至德二載更名

金州

洵陽縣

洵陽縣

大曆六年省
長慶元年復置

洵陽縣
洵陽縣

五代

蜀

雄武軍

金州

洵陽縣
洵陽縣

國朝

鄖陽巡撫

成化十二年改隸

漢中府金州

萬曆十一年改興

安州二十四年改

直隸興安州

洵陽縣

成化十二年割縣

屬之白河保置白

河縣其二巡檢司

仍舊

陝西布政司

康熙元年省鄖陽

巡撫不兼隸

興安州

乾隆四十七年改

并州屬之漢陰縣

設安康縣隸

興安府

洵陽縣

閩關巡檢司

順治四年省

三岔巡檢司未知

何年廢

南宋

利州路安撫使

金州

洵陽縣

元

興元路

金州

洵陽巡檢司

明

陝西布政司

漢中府金州

洵陽縣

閭關巡檢司
三岔巡檢司

涇陽縣志卷三

疆域山川渠堰附

井邑區分各因地利燥溼剛柔蔚爲風氣下邑彈丸全
秦屏蔽水勢紆迴山形峭厲吏思其職民勤厥事疏河
爲渠農田灌溉壘石成堰旱潦不畏遺蹟具存請觀斯
志

治在興安府東一百二十里

東由漢江南至白河縣界崩頭溝一百八十里由漢江北
至湖北鄖西縣界魚窩鋪一百六十里

西至安康縣界二郎鋪六十里據舊志里數俗稱七十五里

卷二

十一

十一

東至白河縣治二百八十里至鄖西縣治四百二十里西
至本府治一百二十里北至鎮安縣治二百八十里東北
至山陽縣治四百五十里西南至平利縣治二百二十里
東南至房縣治四百五十里由縣治北小路至省七百二
十里由興安府漢中府站路至省一千七百一十里
形勢面漢背洵依山阻水舊志稱其爲金州之保障天府
之屏蔽確矣昔沛公入秦酈商先收旬地光武破蜀鄧通
首戰西城漢魏增戍於旬關宋金分界於鶻嶺考秦漢以
來雍梁用兵未有不以縣境爲衝要者也

國朝嘉慶初年川陝湖教匪滋事官兵追賊往來折竄皆道

南至湖北竹谿縣界東岱頂一百九十里又至湖北竹山

縣界萬興寨一百五十里

北至商州鎮安縣界牌關二百里舊志六十五里數稱一

東南至白河縣界朱家河一百四十里舊志載東南至湖北房縣界界龍山

一百五十里今查湖北房縣並不與洵陽縣接壤其中隔湖北之竹山縣

西南至平利縣界了溝山一百六十里舊志六十五里數

東北至湖北鄖西縣界牛心石一百五十里舊志載東北至商州山陽

縣界蠻川關三百里今查山陽縣並與洵陽縣接壤其中隔商州之鎮安縣及湖北之鄖西縣

西北至安康縣界麻坪鋪一百六十里舊志載西北至西

坪三百里今查咸寧縣及西不與洵陽縣接壤

山川

臨崖山 在縣東一里峯巒環繞東枕漢江北控鶻嶺上有寺明邑令蔣昂建有芝亭寺左有漢蜀孟達塚

觀音崖 在縣東八里下瞰漢江多石穴

大尖山 在縣東一百三十里北抵湖北鄖西縣界鄉民曾避賊於此

紗帽山 在縣東一百四十里形似紗帽故名土人又呼爲王駕山

黃土山 在縣東一百五十里黃土縣以此得名

當門山 在縣東一百七十里兩山相對望之如門

輿地紀勝

洵縣令嚴如煜力主堅壁清野議相地險要爲寨堡選置團勇正副長且耕且守且戰設卡於高崗瞭望賊至舉礮一耕者歛農具舉礮二人畜歸寨堡舉礮三團勇據隘以守頃刻間警備遠數百里賊至無可掠則去去則出奇兵抄其尾視其夕頓處多方擾之疲其力使不得休息又念賊恃劫掠官兵必待糧故追賊難及遂備糗糧於寨以饋官兵聲息聯絡賊勢大蹙相戒莫敢犯境考洵邑四十八鋪居民萬有餘戶據險憑高地利可恃民情樸愿人力可用偶遇兵警分守要隘賊去民仍歸農但得賢令尹調度有方金城湯池足資守衛則嚴如煜誠前事之師矣

宇記

穀山 在縣南十里歲旱禱雨多應爲縣治文峯南齊時有槿樹連理之瑞

子房殿嶺 在縣南三十里上有子房殿水池二經旱不涸

馬鞍山 在縣南五十里以形似名其相近有尖朶山又有鏡石崖懸如削光耀奪目數里之內物象悉昭

梨園嶺 在縣南五十里自平利縣白土關發脈至觀音塘止

將軍山 在縣南六十里

小尖山 在縣東二百一十里極高峻石城可容數百人

龍山 在縣東北一百二十里有靈泉旱禱卽應

輿地紀勝

水銀山 在縣東北一百四十里南臨蜀河北連鵲嶺有

硃砂水銀洞三處今封閉

浮雲山 在縣東北百五十里其峯高聳上有迴龍觀

碧瑱山 在縣東北百五十里有碧瑱洞今封閉近有鵲

嶺又有穿崖其高千仞崖中一竅南北相通可三里許

紫荊山 在縣東南五十里有洞深可五六里號仙洞相

傳赤松舊遊處山後有石池池旁有石蓮花

輿地紀勝

雷亭山 在縣南二里行入受其委爰多雷亭從寬因名

雨處

駱駝嶺 在縣西一百二十步東枕縣治西接羣山以形似駱駝之項故名

黃杼嶺 在縣西三里上通黑山之嶺爲邑主山

棋盤山 在縣西四十五里洞十八處邃巖間或見有石棋盤棋子相傳爲飛仙弈棋處

青山 在縣西五十八里東北枕漢江西南接安康縣界其下有洞產碧瑱石今封閉

了角山 在縣西南安平洵三縣交界處上有仙姑洞獅子背諸形勝極峻絕鄉民曾避賊於此

老安山 在縣南九十五里大神河極高峻半腰有洞水
不涸或云禱雨有金色蝦蟆見輒應

鷹背山 在縣南一百里居民禱雨輒應

女華山 在縣南一百二十里山極高峻林木蔚蔚山腰
有洞入洞口二里許皆沙河洞中雲出必雨人以爲候

金崙山 在縣南一百二十里七里關

連尖山 在縣南一百五十里山極高峻以三峯尖聳並
峙而名深奧險僻俗傳爲普庵道場舊名連嶺山

岱頂山 在縣南一百九十里銅錢關與平利竹谿兩縣
接壤形極高峻上有石佛三尊爲竹山竹谿洵陽三縣禱

得拜爲文祭之

纂修志

見駕山 在縣北九十里卽今田家山相傳漢高祖訪張良良見駕於此故名

西北山 在縣北百五十里

仙姑碕 在縣北一百六十里下茅坪相傳崔氏女蛻骨於此見通志乾隆四十五年道入程本真募修碕路知縣鄧夢琴有碑記入藝文

王莽山 在縣北二百五十里相傳王莽屯兵於此上有王莽疑塚其地與鎮安安康交界

懸書崖 在縣北山高五十丈刻石作字人不能上

盼陽嶺

在縣西北九十里臨洹河又名楊家嶺

合抱嶺

在縣西北百里以山水環抱故名

文武峯

在縣北三十八里冷水河自秦嶺蜿蜒而來形

如駱駝項兩峯並峙奇絕可觀

羊山

在縣北四十里卽終南之支脈也連絡千里相傳

爲福地修仙之所絕嶺西接商鎮南瞰漢江人跡罕到有

鐵釜一口可容水數石内生松一株大數十圍世傳張良

辟穀於此觀址鐘鼎尚存山下有仙花洞在縣北八十里

洞極宏敞上有花藻如雕刻下有泉寒冽異常又有谷粟

同一云谷壘同在縣西北百里內有龍湫知縣羅熙禱而

鐵鎖洞 在縣東七十里洞前有雙眼行人路出洞中黑

暗約半里許出洞有閻王碓懸崖陡石下臨漢江

東觀音洞 在縣東八十里內有頭天門頂天柱諸異迹

黑龍洞 在縣東一百里羊山下

禹穴 在縣東一百二十里小關鋪漢江北岸巖深一丈
許縱橫皆一丈有餘相傳禹治水至此上刻禹穴二字按
禹穴有二蜀之石泉縣禹生之地古碑刻有太白書禹穴
二字今紹興會稽縣亦有禹穴乃窆所也洵陽爲導漾流
漢之所必經似是依據二穴而立名

黃竹洞一名仙姑洞 在縣東一百四十里西岔河黃竹

馬迹山 水經注北山下石壇上有馬迹五所

麻嶺山 金州山

二山無考據九域志補入疑當在麻坪河與安康縣交界之處

觀音洞 在縣東十里大磨溝

黑龍洞 在縣東五十二里洞口方丈餘內有三潭其深莫測再入有黑石龍頭角鱗爪若生祈雨頗著靈應

神仙洞 在縣東七十里內有生成石蓮花十九朵石獅子一洞門鐫紫蓋神仙洞天六字高一丈七尺深不可測

有古碑刻客鄉民祈雨甚應縣志山記

泉涓涓爲鄉民禱雨處

羅漢洞 在縣南七十里內有石佛十八尊

風洞 在縣南八十里洞中有風極寒

九仙洞 在縣南一百一十里土人云常有女仙出遊指

點迷路者內有石塔數十餘座高者約八九尺圍圓尺許
形似竹節深入有小木橋一所過橋微有畔岸奇花異卉
莫能名狀遇旱禱雨甚應

古佛洞 在縣南一百三十里水磨河乾隆時修禱雨輒
應今重修

仙佛洞 在縣南一百七十里銅錢關北內石佛像數尊

溝腦鄉民禱雨於此

黃龍洞 在縣東二百里洞口僅四尺內寬廣數丈有龍潭深不可測

娘娘洞 在縣東寨溝內有石佛像石堂及石龍石獅諸異潭水清深天旱祈雨有驗

東白龍洞 在縣東盛家河中有五彩石水不涸石龍二頭角森然

蓮花洞 在縣東盛家河中有生成蓮臺神像一座又有石塔石柱石筍之異

南黑山同 在縣南六十里懸崖多古松有仙韭洞內清

佛洞 在縣北六十里冷水河間有巨蛇盤踞修廟鎮之

水蓮洞 在縣北冷水河極深莫測入數里但聞水聲淙

淙人莫敢進潭水澄碧禱雨有驗內有寨房可避賊

朝陽洞 在縣北六十里內有眾神像中有汭泉冬夏不

涸

白龍洞 在縣北六十三里金竹園山爲鄉民禱雨處

百神洞 在縣北一百三十里內有各佛神像

聖姥洞 在縣北一百四十里趙家灣鋪禱雨頗驗

魚洞 在縣北一百八十里兩河關中有魚自白露節後

入洞至清明節後出洞居民利之

樹雲繚繞亦仙境也

北黑山洞 在縣西四十里進洞有木梯二道洞內有石龍一龍頭上有石蓮盆一禱雨有應

南黑山洞 在縣西四十里

南子房洞 在縣西南二十里漢壩川洞內有留侯像可容百餘人

老龍洞 在縣北二十五里李家莊後洞極深天旱多禱雨於此

羅叉洞 在縣北六十里冷水河其洞深邃幽暗內有諸

中象

河縣界崩頭溝之水入焉

纂省志

漢水東逕西城縣故城南

又東爲鱸湍又東合旬水又東逕水蘭塞南又東左得育

溪又東得甲水口又東逕魏興郡之錫縣故城北

水經漢水

在廢涪陽縣城東南流

寰宇記

漢水東經青山鋪又東北至

洵陽縣西南有閭河自南來注之又東過縣城南有洵河

自北合鎮安縣諸水東南流經縣城東北而南來會又東

稍南受北來構園水又東經大棕溪鋪南

纂齊召南水道提綱

洵河 在縣東百二十步源出長安縣之秦嶺入鎮安縣

境左受孝義川水右受小任河水又右受大任河水又東

南至兩河關與乾祐河合

纂省志

旬陽縣北山旬水所出南

龍洞 在縣北二百里西谷河發源於此

觀音洞 在縣治北倚山爲龕外庑三間自咸豐至

光緒增建梵宇樓亭十餘間其外洵河環繞遠峯在目爲
一邑之名勝

漢水 在縣南百十步西自安康縣二郎鋪至青山鋪入
洵陽縣界三十里又南閼河入焉又東逕洵陽縣南百餘
步又北洵河入焉又東三十里爲構園沱夏秋水漲舟行
甚艱又東一百一十里蜀河合西谷河北流注之又十五
里仙河自山陽東南流注之有仙灘又東十五里有藍灘
亂石縱橫怒濤洄湧爲舟楫患又東十里至魚窩鋪入白

南山南流至不魯子南會焉南流經符家坳西又南數十里經縣城西東南有一水西北自紅山洞水南流合一溪經縣城西南來會又南受東來一水又東南受西來一水又東南受東北來一水又南經青銅關東又南折東南流六十里有東岔河自東北來會又南至兩河關東南洶河自西來會又東南經趙家灣東又東南流折而南經縣城東南又東南入漢水纂齊召南水道提綱

閭河

閭一作驟即寰宇記之澗水

在縣西二十五里源出平利縣界之

連尖山北金河水西來注之又神河東來注之又折而西北流受平利之冲河水合流三十里入漢譚閭河出縣南

入洺

漢書地理志

洺水北出洺山東南流逕平陽戍下與直水

枝分東注逕平陽戍入洺水又東南逕洺陽縣與柞水合

又東南逕洺陽南又東南注漢謂之洺口

水經注

源出鎮安

縣之秦嶺

鎮安字誤當作長安

南流入漢長八百里東西北三面環

繞縣治潞河可愛中多水磨

纂省志

洺河源出長安縣江口

至盧家寺入鎮安縣界又經沙溝口東竹溝大寨溝入洺

陽縣界

鎮安縣志

洺河源出鄠縣東南豹林谷之西南太乙山

其西南麓即洺水源也南來合東來一水又東南經兩山

間三百餘里至兩河關南有鎮安縣水自北來會鎮安縣

水二原西北原廿天書山東南流北源二水出舊縣關東

仙河 在縣東九十里源出湖廣上津縣南流入漢略

自山陽界流來逕縣境南流一百里至白河界入漢纂省志

按仙河源出秦嶺之圍樹嶺入鄭西縣地即古上津縣流入

十里至牛心石對峙爲鸚鵡石二水中流再七十里至

洵陽之仙河口入漢省志似誤

盛駕河 在縣東一百六十里源出羊山四十里出磨溝

河與竹筒河交流三十里爲潘家河達雙河口入蜀河

龍家河 在縣東一百六十里源出湖北礞子嶺南流四

十五里合雙口水又三十里至蜀河入漢

竹筒河 在縣東二百五十里源出鎮安縣之蔡家嶺流

與湖北界之七里關南山北流合西南來之壩河及神河

三水西北流又折而北而西受西南來之孟家河又北至

閭河鋪西北入漢纂齊召南水道提綱

磨溝河 在縣東二十里源出觀音洞流五十里入漢

小棕溪水 在縣東五十里源出方家嶺流三十里入漢

大棕溪水 在縣東一百里源出歪頭山流三十里入漢

蜀河即育溪水一作清在縣東百四十里源出秦嶺中洞西岔河

蓋其源也南流逕閭關至蜀河口入漢江纂省志漢水左得

育溪興晉洵陽分界於是谷緄清水在廢涇陽縣西一百

步源自商州上洛縣來東南注於漢寰宇記

冲河即今壩河在縣西南四十里湧出湖北竹谿縣界

合秋河松杉河水又左合太平河水右合石牛河水又右

合連仙河水北流至平利縣白土關爲壩河又北流至陶

家壩入洵陽縣界爲孟家河又西北受平頂河水入閭河

以上俱
纂省志

大金河 在縣南一百里源出侯家溝流三十五里與小

金河合至金河口與閭河合流再流十里至神河口與神

河合流又三十里至閭河入漢

小金河 在縣南一百里源出吳家寨流三十里至金河

口合大金河

七十里至雙河口合西岔河水又四十里至蜀河口入于漢

中洞河 在縣東二百里源出羊山穿崖流二十里至雙河口入蜀河

西岔河 在縣東北二百里源出西北山東南流入于蜀河

旱壩川 在縣西南二十里川分西東二壩古驢川縣卽在東川其街衢基址尚存

平頂河 在縣西南三十里源出師家坡西北流入閬河

漢中府志原出神仙洞誤

秦嶺南流右得溫水河水志曰長安縣志之蘊水又南右得細柳溝水

東逕鎮安縣東合雲蓋川水南至界牌入洵陽縣界南三

十里至兩河關合洵水又洵河東南流右納麻坪河水左

納冷水河水屈曲東南流逕洵陽縣北入于漢省志乾祐河

源出咸寧縣界秦嶺入鎮安縣境逕野豬坪石食子谷

坪上茅坪青銅關梅花鋪至洵陽縣之兩河關合洵水凡

三百三十里鎮安縣志

冷水河 在縣北三十八里源出鵝嶺西南流入洵水土

人云水有二派一發源於宋家園一發源於大羊山縣志

通歷三峽有黃龍洞禱雨輒應又有穀魚洞至穀雨節洞

小神河 在縣南一百一十里源出鷹背山流六十里入

大神河

水磨河 在縣南一百一十里源出梓木樹壩流入赤崖

溝入閭河

大神河 在縣南一百三十里源出平利縣界之大頂山

流十里至王家坪又五十里至神河口與小神河合入閭

河

乾溪河 在縣西北四十里源出獅子嶺流九十里至龍

潭爲麻坪河又四十里至乾溪鋪爲乾溪河入洵水

乾祐河 即水經注 在縣西北一百四十里源出咸寧縣之

洵陽駱駝項二十五里至任河口合小任河水入洵河

小任河 在縣北二百四十里源出鎮安之米糧寺逕霸

王灘馬長灘入縣境四十里至任河口合大任河入洵河

洄沸灘 在縣東一百里即古禹穴所在漢水怒激洪波

數里

松木灘 在縣西二十五里道光十六年六月十五日夜

暴雨冲溝内巨石堆水中遂成險灘今稍平

龍灘飛瀑 在縣北二百一十里當小嶺紅巖兩峽口孤

嶂高撐後有絕壑水流至巖背不見忽於巖巔突然噴出

如匹練倒挂曉日斜注又如彩虹飲泉巖畔構精舍供神

內魚貫而出二派合流百里入洵河三十五里入漢

東岔河 在縣北百六十里源出羊山流二十里入洵河

三岔河 在縣北百七十里左受蔣家溝水源出帽兒山

右受土房溝水源出竹水礮中受松樹溝水源出獅子嶺

三水合流二十里至沙溝入洵河

桐木溝水 在縣北百八十里源出安康縣磚土溝流十

五里入沙溝又二十里入洵河

淡家溝水 在縣北百六十里源出安康縣王莽山內有

龍湫每有霧起禱雨輒應流十五里入洵河

大王河 在縣北二百二十里源出鎮安縣張家平流入

廣塢河堰

在縣東二百里

白崖河堰

在縣東北二十五里

西岔河堰

在縣東北二百里引西岔河水灌田百餘畝

中洞河堰

在縣東北二百二十里引中洞河水灌田二

十七畝

竹川堰

在縣東北二百六十里

壩河堰

在縣南四十里

平頂河堰

在縣南二十五里水分上下二壩上壩名平

頂堰灌田五十畝下壩爲漢壩川堰灌田六十畝

孟家河堰

在縣南三十五里引孟家河水灌田十餘畝

像憑軒下視千仞懸絕瀑布飛奔雖晴猶風雨云

蓮花池 在縣東西北各五里有池凡三不由浚鑿皆天

成也相傳花發年豐或邑有登科之應又邑北趙家灣

兒山對河之東舊有蓮池邇來芟荷頗盛歲屢占有秋

渠堰

大磨溝堰 在縣東三十里

蜀河堰 在縣東百四十里引雙河水灌田二百五十

畝

仙河堰 在縣東百六十里引仙河水灌田百餘畝

趙家可堰 在縣東百八十里

畝南流五十里為泊河堰灌田四十畝

洵陽八景

禹穴遺蹤

舊志載穴在縣東小關鋪江北巖深丈許縱橫皆一丈有餘相傳禹治水憩此上刻禹穴二字

蓋洵陽為導漾流漢之所必經於此避風雨理可信也舟行上下念疏導之偉績輒興仰止之思

子房仙洞

舊志載子房觀在縣北一百二十里有洞壑極幽邃遇早禱雨輒應流寓志中亦載張良事按

史記留侯辟穀不言其入山而評史云子房曾遊商山訪四皓矣或末年蛻骨於此

柏蔭銅碑

柏在文廟大成門階右其大連抱黛色參天下有古碑字跡凋零其文係邑令陳公士龍之筆

擊之其聲細長作銅音嗜金石之學者拾片石叩之良然

環城曲水

漢水之濱山勢從黃杼嶺而下忽若蜂腰突結崗巒為縣城洵水從秦嶺來繞城三面而入漢

其中樓臺層疊有如畫圖舊志謂漢江南流洵河北繞千巖競秀二水合襟自有垣局廻環之勢是也以地利

神河堰

在縣南六十里引神河水灌田十餘畝

金河堰

在縣南七十里引金河水灌田一百一十畝

七里關堰

在縣南一百五十里引閤河水築堰灌田一

百畝又北流至城南三十里爲閤河堰灌田八十畝

水磨河堰

在縣南百里引水磨河水灌田十餘畝

冷水河堰

在縣北三十八里引冷水河水灌田三十畝

乾溪河堰

在縣北五十里引乾溪河水灌田二十畝

麻坪河堰

在縣北九十里引麻坪河水灌田四十三畝

東岔河堰

在縣北百三十里今廢

水田坪堰

在縣北百八十里引洵河水築堰灌田六十

洵陽縣志卷之四

建置

城池公署義所堡寨關梁橋渡

井疆小異區畫因時漢唐而後兵火迭滋邱陵設險洵漢爲池村堡林立寇賊奔馳公解蒞政觀瞻在茲田宅廣購慈惠宏施津梁增設利濟無私或仍舊制或創初基罔因簡陋匪逞新奇蕩蕩王道與民由之

城池

城垣因山爲城阻水爲池周圍三里有奇長一百四十六丈五尺東南外面各高二丈二尺五寸西北外面各高一丈九尺七寸底厚一丈八尺垛牆共三百九十八堵均高

言之非天然之湯池乎

靈崖芝草

舊志載讀書亭即芝亭相傳吉水羅洪先讀書處洪先狀元及第後為理學名臣故文廟名宦祠側有前明諸先達瑞芝詩今崖上亭址尚存荒草中有蔣公易碑別蘇讀之產芝之處猶可指也

天池瑞蓮

舊志載池在縣東西北各五里有池凡三不由舊志載池在縣東西北各五里有池凡三不由

應後三池俱涸邑北帽兒山對河之東亦有蓮池芟荷頗盛邇來士氣漸有舒暢之機倘有復古者以人力浚

之三池之美觀當如舊云

丹鳳啣書

西城門外有奇石軒舉若鳳頭焉上有古木鏤曲霜葉新染愈增彩色其味舊啣方石極似詔

書之下降當風清月朗城樓有吹簫者恍然身在秦臺矣

紫蓋洞天

神仙洞在縣南鄉洞門鑄紫蓋神仙洞天六字有神古碑半已剥落層進窺之深不可測而鄉民

祈雨輒應其內有石蓮石獅之異信造物

千餘兩長九十九弓寬六弓高七弓至三十九年九月工竣至今永無水患邑人賴之

光緒二十九年知縣李丙焱修堤路水道

舊城遺址附

木蘭寨 在縣城東北隅今爲洵水衝崩無存水經注漢水又東逕木蘭塞南有城名伎陵城週迴數里左岸累石數十行重疊數十里中謂之木蘭塞通志及舊志作寨誤伎陵城 庾仲雍漢水記在金州洵陽縣通鑑胡注卽木蘭寨吳軍救孟達之所

洵陽舊縣 按水經注洵水又東逕洵陽縣與柞水合舊址當在今兩河關上水田坪地方注又云洵水又東南逕

三丈厚二尺四面共長五百九十四丈建四門東曰東作
西曰西成南曰阜財北曰拱極又西北隅水洞門一今止
存東西北三門前明崇正八年署知縣史采知縣姚世雍
建同治二年知縣劉昌蕃改建縣東門增修礮臺臺今圯
址存

西門礮臺建縣城西門外因北關地勢高峻俯瞰城中嘉
慶六年知縣嚴如煜於西門外黃梓嶺下修大礮臺一座
甬道數十丈其險可守

東關隄乾隆三十六年以前居民屢遭水患三十七年二
月內知縣盧甲午因軍需餘暇附城倡建石隄共費銀五

蜀河口東

驢川舊縣

在今閬河口旱壩川其地平廣回環風雨和

會土人云街衢基址猶存

洵州舊治

當在今縣治

洵城舊縣

無考

旬陽郡治

亦當在今縣治

涪陽郡治

縣治當附此在今蜀河鋪晉於此置涪口戍

長岡郡治

縣治亦當附此俱涪陽郡所改

黃土舊縣

在今閬關鋪壤堞猶存

赤石舊治

旬陽縣南似又當在今之兩河關通典謂水經注解疏畧多迂怪不知注經者未親歷其地抑年遠無考也

平陽戌 水經注旬水北出旬山東南流逕平陽戌下與直水支分東注逕平陽戌入洺水按直水北出子午谷崖嶺下在今長安縣南百里戌當在其下但漢志旬水出縣北山恐漢縣當日竟至山下矣又按宋志興晉令魏立曰平陽蓋魏沿東漢之舊廢旬陽縣不置通謂之平陽戌至晉始分爲興晉旬陽二縣耳

興晉舊縣 水經注漢水又東左得育溪又東得夾水口

興晉旬陽界於是谷按育溪即今蜀河舊址當在今之

國朝有無修建無案可稽康熙五十九年知縣張存恆建鎮
樓於大堂左現今大堂三間捲棚三間東庫一間左邊吏
戶禮倉承發鋪長科房共七間內有三賢祠三間右邊兵
刑工架閣科房六間中有戒石房一座係前明萬曆六年
知縣冷逢震建外有儀門三闔門內東有快役班房三間
門外左爲土地祠下有壯役班房三間右爲監獄外爲大
門拱以屏牆大堂後有皂役班房二間內爲宅門東有門
房一間再入爲川堂三間下有捲棚三間旁有古柏二株
不知何年所植今僅存一株東有書房三間相連爲簽押
房一間其捲棚簽押房俱係乾隆三十四年知縣何大成

甲縣舊治

臨江舊治

以上三址無考後周俱并入甲郡

甲口鎮城

唐書地理志在洵陽東應在今甲河關

公署

縣署在城內西北駝嶺平行黑山盡結臨崖左護穀峯前
朝漢江南流洵河北繞千巖競秀二水合襟雖未盡開密
脫卸之奇亦自有垣局迴環之勢前明洪武五年知縣李
肅因元舊址建署成化十年圯于水知縣杜琳改遷今治
知縣王延齡竣工中爲牧愛堂左錢帛庫費以石牆萬厯
九年知縣南兆新建川堂入

今久廢

旌善亭舊在譙樓前乾隆十九年知縣羅鰲改建於西關外

察院行署在縣治東百步明成化年間知縣王延齡建嘉靖年間知縣朱瑚重修今廢

布政分司行署在察院前三十步今廢

按察分司行署在察院右二十步即舊縣址今廢

漢中府行署在察院前十步今廢

教諭署在明倫堂之右原建門二闔大堂三間內住房三間兩偏廂房四間乾隆四十六年教諭王璠捐修外增廂

建西廂房三間係乾隆四十六年新建又內廚房住房大小二十三間俱係仍舊最後小書房三間係乾隆四十二年知縣陳德林建西偏高阜上有敬亭三間與臨崖寺相對今圯道光二十七年知縣于鈞重修川堂三間光緒二十三年知縣王策範修二堂後簽押房三間

鐘鼓樓前明成化年間知縣王延齡建知縣李珍重修在大門外今廢

上諭亭祝釐宣講之所在縣治左雍正十年知縣葉時汭恭建今久廢

甘肅亭 惠民局俱前明宏治年間知縣蔣昂建于縣前

項重修

監獄內監三間外監二間女監一間火房一間
戶內神廟附草廄四十五間二月內先界登萊奏請言令
七里關守備官署大門三闔官廳三間庫房二間字識科
房四間儀門三闔大堂三間二堂三間東書房三間住房
廚房共五間馬房三間火藥局三間自嘉慶二十二年守
備移駐縣城今七里關僅駐外委馬戰兵一名守兵六名
官署大半傾圮

把總官署已圮無存

營房四百餘間多圮

舊設柵欄壁壘週圍七百餘丈今半圮敵樓七座無存

房四間

訓導署在明倫堂之後內堂二間住房三間廚房一間門

二間

閭關巡檢司在縣東閭關鋪今廢

三岔巡檢司在縣北兩河關今廢

主簿署在大堂左今廢

典史署在大堂右大門一闔大堂三間右邊科房三間川
堂三間又內廚房住房大小五間最後爲書房二間週圍
牆垣乾隆四十年三月典史龔瑛詳請領項重修

監獄內監三間外監三間女監一間火房二間獄神祠一

演武亭舊在縣西一里今無考

義所

養濟院前明知縣蔣昺建於縣西二里乾隆年間移建於縣東門房三間額設孤貧兩名嗣因年久傾圯僅餘矮屋兩間自同治三年兵燹後孤獨益多原額兩名不敷收養同治七年知縣孫維捐廉一千八百餘串爲置地畝兩處歲收租稞十七石加收孤貧十二名並於城北關廟側購房一所內計門樓一座住房九間分男婦孤貧內外居住計開捐置養濟院房屋地畝坐落處所一知縣孫維捐置養濟院瓦房一院內計廳房三間門外大房一間門樓一座院內廚房二間上房莊基三間共價錢二百四十八串文係民人劉克信克忠弟兄出賣之業坐落縣城北門

縣城守備官署嘉慶二十二年知縣鄭謙建共房三十五間今僅存大堂二間一堂三間三堂三間三堂外左右廂房六間官廳二間馬房一間儀門三間頭門三間餘俱傾圮

把總官署嘉慶二十二年知縣鄭謙建共房一十七間今僅存頭門一間住房二間廚房二間住房東西廂房四間門房二間餘俱傾圮

兵房一百三十二間今僅存四十餘間

教場一座在縣城外東北隅演武廳三間捲棚三間令臺

一座將臺一座今俱毀

堡寨

羊山三寨在縣東西岔河泥溝焦山三鋪交界處距城一百里同治時藍逆擾境賴三寨全活者二萬餘人

仙河十七寨在縣東百里嘉慶六年縣令嚴如煜團鄉勇於此與鄖西縣令孔繼幹練三天門十三卡鄉勇互相防堵賊匪至此者聞風即折回他竄

中平寨在縣東蜀河鋪距城一百四十里同治三年川匪入寇洞堡多遭焚掠此寨無恙

蜀河堡在縣東北一百四十里蜀河內即清陽舊縣也嘉慶初教匪擾境知縣嚴如煜因此地實賊衝在漢江北岸

內武廟之後於門首題養濟院匾額將前後房屋牆垣

一律修補完固並就上房莊基蓋屋三間以資孤貧棲止

之所又捐置縣屬南路壩河地畝二分水田四畝契價

錢三百六十串文係縣民曹思升出賣之業歸入養濟院

招佃承種歲完租課稻穀一石五斗苞穀四石五斗又

捐置縣屬白巖河等處地畝一分價錢九百串文係縣民

宋鼐出賣之業歸入養濟院招佃承種歲完租課苞穀十

一石又同治九年捐置背凹石廠溝陽坡地畝一分價

錢一百串文係縣民余秉忠出賣之業又捐置陸坡荷

地一分價錢七十二串文係縣民李永銀出賣之業俱歸

入養濟院作孤貧口糧之用由知縣經理嗣因房

屋傾圮光緒二十八年署知縣李丙焱捐廉補修

漏澤園同治八年知縣孫維捐置文昌社義地施葬孤貧

文四址於契內載明歸知縣經理每遇

新舊交代戶房造冊移交新任接管

大小河救生渡船光緒二十九年署知縣李丙焱捐置一

隻合舊有新捐錢三百緡發

商生息作常年經費定

寶安寨在縣東潘家河距城一百七十里土人避寇於此
安慶寨在縣東竹筒河距城一百八十里

普陀寨在縣東竹筒河距城一百八十里高十餘丈可避
兵燹

泰山寨在縣東雙河口距城一百八十里舊名龜山寨知
縣嚴如煜以在泰山溝口更名泰山寨

興平砦在縣南四十里高處極寬平可容千人上有水泉
昔人嘗避寇於此

愈興寨在縣南一百里一名愉忻寨嘉慶年間教匪擾境
寨民擒首逆陳潮官於此寨南梓木樹埡一路連山疊嶽

捐修石堡一座知興安府事周光裕有碑記詳藝文
大夫營距蜀河三里許明衛史大夫鄧愈屯兵於此崖上
刻有大夫營三字

焦山寨在縣東焦山鋪距城一百五十里極險峻同治時
川匪過境保全二萬餘人

三座菴寨在縣東龍家河鋪距城一百六十里

太平寨在縣東磨溝內距城一百六十里光緒二十一年
重修

穿巖寨在縣東西岔河鋪高山溝距城一百六十里有洞

約高八丈二尺皆穿故名

人避寇於此

神河口大寨在縣西南七十里神河金河繞其左右與將軍寨聲勢相連四面石壁因險築壘當安康平利竹山之衝嘉慶時教匪之亂官軍寄儲兵糧

黑山寨在縣西四十里

高壁洋二寨在縣西六十里漢江北岸下爲淺灘水涸時晒淺可過嘉慶七年於南北岸各結小寨一座

雪山寨在縣西青山鋪距城七十里山上冬雪積久不消故名

青山寨在縣西青山鋪距城七十里嶙峋壁立頂稍平敞

扼湖陝之要隘可以禦賊

構皮寨在縣南一百里

紅崖寨在縣南一百里相傳郭繼宗禦紅巾處

得勝寨在縣南香爐溝口距城一百一十五里峭壁千仞有類削成

鐵統寨在縣南銅錢關距城一百四十里頂平坦四面陡壁如城

老路寨在縣南銅錢關距城一百四十里咸豐十年知縣唐汝成修礮臺於其上城堞傾圮基址尚存

左肩巖寨在縣南銅錢關距城一百四十里同治元年土

太山寨在縣北柳村鋪距城三十里

小黑山寨在縣北柳村鋪距城三十里

火神寨在縣北柳村鋪距城三十里

羊山寨在縣北五十里險絕可以屯兵

龍頭寨在縣北七十里金竹溝口

星辰砦在縣北一百二十里俗傳張桓侯屯兵於此

志

帽兒山寨在縣北趙家灣鋪距城一百三十里勢踞峯巔

石城二層東西列二城門有小徑以通出入東門外有泉

冬夏不竭

茅坪寨在縣北茅坪鋪距城一百八十里

軍興時寄儲兵糧嘉慶六年提督楊遇春殲張天倫等七股賊匪於此寨勇助力邑令嚴如煜更名曰大功寨

楊家寨在縣西青山鋪距城七十里嘉慶時教匪欲攻此寨未克而退今名前寨

馬鞍寨在縣西青山鋪瀾木溝上流距城七十里三面巉巖後梁形如馬鞍故名

胡家寨在縣西胡家山後距城七十里有大小二寨相距約六里

陳家寨在縣西青山鋪北渡口距城七十里

平亞寨在縣北草平鋪距城二十里同治年間修

注有關汭水上之關也商傳南陽西通則關正義曰死

西無鄖關蓋鄖當為洵洵水上有關在金州洵陽縣是也

洵亦作郇與鄖相似也傳注按漢志漢中郡長利縣有鄖

關長利今商州上津縣正義失之困學紀聞南蔽夔陝西接梁

洋為控楹之地地理通釋

兩河關在縣西北一百六十里東接洵河西接乾祐河北

通鎮安縣明置三岔巡檢司於此舊據省志稱一百四十里

鵲嶺關在縣東北二百五十里鵲嶺上與秦嶺相連地極

險要宋紹興和議成於鵲嶺置關為界南屬宋北屬金集

州志

劉秀寨在縣北二百四十里相傳東漢光武帝劉秀屯兵於此

關梁

琵琶關在縣南六十里傍山臨水險隘可守

七里關在縣南一百五十里接竹山界爲秦楚要衝昔入以銅錢關孤山難守移鎮於七里溝關名因之向有守備營今移縣城

閭闔在縣東一百四十里明置巡檢司今裁壞堞尚存卽隋黃土縣故域

司馬王孫荀水上鄭商別將攻旬關西定漢中顏師古

大窰橋在縣北六十里大窰鋪

秧田灣橋在縣北九十里跨礪路上

洵河口渡在縣東一百二十步官渡船二隻

高店鋪渡在縣東十五里

構園鋪渡在縣東三十里

小棕溪渡在縣東四十五里

高塔鋪渡在縣東六十里

大棕溪渡在縣東七十五里

小關鋪渡在縣東九十里

展園鋪渡在縣東一百零五里

九矯關 圍棋關

二關據輿地紀勝今無考

橋渡

廣濟橋在縣東一里

藍灘溝橋在縣東三十五里

華灘橋在縣東四十里

蕩平橋在縣東五十里泥溝鋪

香亭鋪橋在縣西五十里

周家溝橋在縣北一里

寺產同記扁橋在縣北三十里柳村鋪

廟溝鋪渡在縣西四十五里

青山鋪渡在縣西六十里

竹根灘渡在縣北一里漢江上官渡船一隻今在洵河水中

孤石挺出其下澄潭時有此石根如竹根而黃色

縣北渡在縣北十五里草坪鋪砂漲水涸渡船久廢

黃草坡渡在縣北七十里

也家溝口渡在縣北八十里

廖家灘渡在縣北九十里

趙家灣義渡在縣北一百二十里

大棕溪口義渡在縣北一百四十里

沙溝口渡在縣東一百二十五里

蜀河渡在縣東一百三十五里蜀河上官渡船一隻

龍關渡在縣東一百四十里

仙河口渡在縣東一百五十五里

藍灘渡在縣東一百八十里

縣南渡在縣南百步許漢江上官渡船三隻

縣西渡在縣西三里漢江上官渡船四隻漢水泛溢過渡

甚難

劉店鋪渡在縣西十五里

高可度在縣西三十里閿河上官渡船一隻

兩河關義渡在縣北一百六十里

仁河口渡在縣北二百一十里

茅坪鋪渡在縣北二百十五里

